

續資治通鑑長編
(136冊)



續資治通鑑長編拾補卷十九

徽宗

崇甯元年正月

案宋史本紀錢氏朔閏考是年壬午午正月丁巳朔

癸未曾布奏

事訖先是溫益留對乞因事削劉奉世張舜民劉安世

呂希純王覲等職名又言晁補之知河中不當上指令

曾布看過卻取進來益以示布布答益曰因事黜之自

當然也

原注安世希純落職在四月十三奉世在五月十四舜民在四月十七日覲五月十一日案補

之知河中建中靖國元年八月可攷至是布留上心知爲此故并留益布

對如前上曰元祐之人訴訾先朝義不可容今閭巷之

人尙知父子之義朕豈可已因言罷補之郎官卻與河

中似此皆過當又言謝文瓘與呂公著書尊公著過於

人主而詆先朝且語益曰書已降出在曾布處又顧布

曰將與三省看布唯唯益未退布曰臣別有所陳欲更
少留益遂退布曰臣得事陛下不敢不盡犬馬之力然
臣既不悅於元祐之人又爲紹聖之人所怨怒臣在朝
孤立實不易處亦累常奏陳恐有讒譖中傷之語乞賜
考察上曰何故布曰近臣閤守勲李士京罷黜乃有言
臣以守勲之論爲直又言昨山陵臣曾辟士京檢點道
路士京逐臣必危矣臣遭遇神宗拔擢不次陛下昨力
排眾論置之相位眷遇親厚特異眾人臣非犬馬木石
豈不知恩若謂陛下有不同心退有後言實爲誣罔上
曰並不干人事只韓忠彥如此說布曰宮禁中事外庭
莫知其實臣昨日對忠彥云守勲之逐忠彥之子治與
臣子紆皆在太僕治問紆云守勲遂逐紆云陛下旬日

之間逐二巨闥可謂英斷此乃日閨門之間父子之私

論臣亦聞忠彥譖臣故對忠彥面奏此語此最為明白

如中傷之言願陛下更賜裁察上曰不信紀事本末卷百三十

續宋編年資治通鑑云春正月河東太原路晉隰代

石嵐岢嵐威勝保化甯遠等州地震彌旬晝夜不止

壞城壁屋宇人畜死者甚眾詔官給瘞奠優恤死傷

之家案自前年十二月二十五日地震至正月二日

猶未止見下朱肱疏下詔

在丁丑日見宋史本紀

二月案宋史本紀戊子謝文曜罷給事知濮州紀事本末卷百

二十一是月丙戌朔

也宋史本傳以文曜坐弔遼主變服於崇甯元年出知

濮州尋治詔呂公著書再調邵武軍攷文曜弔遼主洪

基殂令從者變服而入事在建中靖國元年三月時貶

秩二等而已其出知濮州當依續長編文

為治與呂公著書故也正月癸未可攷

甲午詔觀文殿大學士贈太師蔡確配享哲宗廟庭上

謂韓宗彥等曰西宮寶慶殿成宜以蔡確配食確於哲

廟甚有功方皇太后當從神宗靈駕西行確密上文字
令弟碩屬內臣閤守懃奏太后請留保護太后以故輟
行保祐哲宗晨夕嘗與之俱食以銅匕箸至於飲水亦
爲之親嘗確文字今尙在故有是詔仍錄確子洸渭並
與陞擢差遣續長編卷五百二十注紀事本末卷百七
合編案續長編注繫此紀事本末卷百七
月據紀事本末在二月甲午與十朝綱要宋史本紀合
蓋原注三月字誤也原注又載舊錄是年八月諭見後
新錄辨云此論止是盛譽紹聖權臣與神宗實錄末卷
體制不同其間託爲徽宗訓辭尤非恭順事皆詆誣云
云今攷編年備要載蔡確配享事云時確之黨上書言
元豐末確嘗密說皇太后令勿從靈駕保祐哲廟食以
銅匕箸至於飲水亦必爲之親嘗故也據此徽宗之諭
卽用確黨之言其事雖未可據而徽宗信從其說容或
有之故五年賜確墓碑額曰元豐受遺定策宰臣蔡確
之墓宣和二年蔡京引確之子懋上殿述其父有定策
功詔進封汝南郡王新錄辨不信蔡確之事
可也必以爲徽宗無此訓辭未免橋枉過正

丙申雄州防禦推官知鄧州錄事參軍朱肱言臣伏聞

陛下卽位以來兩次日蝕在正陽之月河東二十二郡而十一郡曉夜震動自去年十二月二十五日至今今年正月二日猶未之止城壁屋舍悉皆倒塌人民震死動以千數外議皆稱自古災異未有如此恭惟陛下敦樸自己憂勞在民建大中以承天意正五事以育羣生可謂小心翼翼昭事上帝迺者日月薄蝕天地震動推求咎愆不避死亡論輔弼之失以救災異之應言詞激切死有餘罪昔西漢多言災異罕有完全谷永譏斥帷幄陰附權貴而終以保全王章力詆王鳳專權蔽主竟以法誅禍患易見利害易明臣非不知上忤大臣其禍立至然惓惓孤忠不敢隱默者食陛下之祿念國家之重而不敢顧其私也其上宰相曾布書隨具進呈書曰今

監察御史劉燾相公門人也相公帥高陽辟燾爲幕客其後相公又秉機政辟燾爲刪定官燾持親喪相公奏祥除有旨令服闋改宣議郎未及禫除又辟爲編修官前日相公爲山陵使辟燾爲掌賤表又薦人館相公於燾厚矣如燾者置之詞掖不忝也以燾爲御史則不可也相公有過舉燾肯言乎言之則忘恩不言則欺君蓋非所以處燾也又曰今右正言范致虛兄上舍生致君相公之姪婿也致虛乃致君之親弟如致虛者置之館閣不忝也以致虛爲諫官不可也相公有過舉致虛爭之則忤親不爭則失職亦非所以處致虛也相公旁招俊乂陶冶天下肱之所論祇及燾與致虛者特以臺諫人主耳目之官非他職可以畧而不論也相公置門人

親戚爲諫官御史此日月所以震動也

案當依九朝備要改作此日月

所以薄蝕天地所以震動也

又曰章惇之過惡不可殫數其最大者

四五事時相公在樞府坐視默然亦不得爲無過也若

以西府不與議則遊談侍從之臣皆與論思之職況執

政乎再貶元祐臣僚范純仁能言之相公未嘗救也廢

元祐皇后龔夬能言之相公未嘗救也策元符皇后鄒

浩能言之相公未嘗救也置諫官死地黃履能言之相

公未嘗救也此四五事惇之過惡最大而相公無半詞

之助洎欽聖皇后以天命人心之所歸付神器於陛下

英聲偉望

案九朝備要英聲上有相公二字

簡在潛邸注意委重羣臣

莫望天下之士翹首傾心以觀考績之效而天變見於

上地理逆於下肱竊疑之伏惟相公位高而任重位高

則憂深任重則責厚遇災而懼然後可以弭天變聞善

而遷然後可以來直言肱之區區所望於相公者如此

而已詔付三省

紀事本末卷百三十原注肱者服從弟

傷寒活人書武夷張藏得其書序之曰作于元祐己巳

成于大觀戊子釐為二十卷肱嘗自序其書後四年肱

以奉議郎致仕遣男遺直詣闕獻焉且曰肱乙未秋以

罪去國明年過方城見同年范內翰令證與方合為一

或曰起肱休致仕于朝

以讜直忤宰相引去

辛丑龍圖閣直學士新知定州蔡京為端明殿學士知

大名府先是大名闕帥曾布白上前兩府惟有劉奉世

上默然韓忠彥與布交惡陰欲結京乃言熙甯故事嘗

除學士不必前兩府因請用京上從之

紀事本末卷百三

左正議大夫知大名府蔡卞知揚州

紀事本末卷百

續宋編年資治通鑑云建中二年趙元諡謀起兵據蜀事覺

伏誅案東都事畧二月戊戌趙諡伏誅九年九月趙諡反於

渝州崇甯元年少年敏給紹聖初擢甲科授成都因章

云諡江祐大少敏合人聖欲以甲科起兵據蜀與

惇逐何元祐大少敏合人聖欲以甲科起兵據蜀與

所親何元祐大少敏合人聖欲以甲科起兵據蜀與

孟起兵以獎從師直賈成時及登極赦到等謂獎等曰姓

章惇必罷天蜀人安之望屬上難動前事願勿出口遂入

京除太學博士請假般家欲面止諸人而黨中彭汝

其謀者獄具當族有詔誅家屬分配湖廣宋史彭汝

礪傳弟汝霖鞫趙

諡反獄窮其黨與追謚欽成皇后案

又云太妃朱氏薨追謚欽成皇后案

三月是案錢氏朔閏考辛酉兵部侍郎鄒浩為寶文閣待

制知江甯府浩乞補外也史紀本傳云徽宗立召還復為

右正言遷左司諫上疏謂孟子曰見賢則右賢

未可也國人不皆賢然後察之見賢則右賢

諸大夫皆曰不可然後察之見賢則右賢

也蓋左然非不親也於是不能無交結之私諸大夫非不可則

卷一百一十一

所謂公議也公議之所在概已察之必待見賢然後用
見不可然後去則所謂獨斷也惟恤公議於獨斷未形
之前謹獨斷於公議既聞之事頗異於即位之初相去半
安有不善乎伏見朝廷之事如之何願陛下深思之改起
年遽已如是自今以往將如之何願陛下深思之改起
居舍人進中書舍人又言陛下善繼神宗之志善述神
宗之事孝德至矣尚有五朝聖政盛德願稽考而繼述
之以揚七廟之光貽福萬世遷兵吏二部侍郎以寶文
閣待制知江甯府徙杭越州

甲戌端明殿學士新知大名府蔡京為翰林學士承旨

兼修國史紀事本末卷百二

續宋編年資治通鑑三月命內侍童貫如杭州造御前生活

四月案錢氏朔閏考丙戌張商英為翰林學士紀事本末卷百

三十

乙未蔡京入對紀事本末卷百三十一

先是溫益留對乞因事削劉奉世張舜民劉安世呂希

純王觀等職名

案東都事畧溫益傳益除給事中兼侍讀左正言陳瓘論益守潭日鄒浩貶新

州道其郡投宿僧寺益差兵卒逼浩登舟使冒風濤夜

渡范純仁劉奉世韓川呂希純呂陶皆貶湖南並為此案

所侵困當時大臣以為是而天下以爲非陛下以此案

之則益之爲人可知矣遂以龍圖閣待制知開封府是

年遷吏部尚書拜尚書右至是安世希純舜民落職事紀

丞崇甯初遷中書侍郎書補案原注云安世希純落職在

四月末卷百三十三舜民在四月十七致四月乙酉朔十三日丁

酉言詔知潞州劉安世知潞州呂希純並降集賢殿修

撰尋並落職據此當時彈安世

希純舜民者固不獨溫益也

癸卯寶文閣待制新知江甯府鄒浩知杭州紀事本末

甲寅有司言勘會見今請射牧地養馬之數共計養馬

一千七百九十七戶請射過牧地三千七頃三十三畝

半所養馬一千八百二十九匹河北東路二百七十八

六

六

六

匹河北西路一千四百一十三匹京西北路一百一十

五匹京東西路一十四匹河東路九匹開封府界京西

南路京東路並無之

紀事本末卷百三十八

五月

案錢氏朔閏考是月乙卯朔

乙丑臣僚上言臣聞天下之罪其

名不正則天下之善無自而明神考在位凡十有九年所作法度皆本先王元祐黨臣秉政紊亂殆盡朋姦罔上更唱迭和氣焰薰炙不可嚮邇者皆神考之罪人也紹聖追復雖以竄逐陛下卽位仁德涵養使之自新黨類實繁所在連結罪廢者一旦牽復不以其漸所與過當又復紛然莫之能禦內外相應寢以滋蔓爲害彌甚今皆坐享榮名顯職厚祿大郡以至分居要路疑若昔未嘗有罪者非所以正名也又曰今姦黨姓名具在文

案甚明有議法者有行法者有爲之唱者有從而和者
罪有輕重情有淺深使有司條析區別行遣使各當其
罪數日可畢庶幾得罪名者無所致怨不憂後禍觀望
者消於冥冥之中天下忠臣良士各得自盡以悉心於
上不疑復有害之者以顯神考盛德大業以成陛下繼
志述事之孝而天下可以無爲而治矣伏望早賜施行
詔觀文殿學士知河南府安燾降充端明殿學士龍圖
閣學士知潤州王覲降充龍圖閣直學士樞密直學士
知越州豐稷降充寶文閣待制顯謨閣待制知潁昌陳
次升降充集賢殿修撰左朝議大夫集賢殿修撰知應
天府呂仲甫落職故資政殿大學士贈金紫光祿大夫
李清臣奪職追所贈官并例外所得恩例指揮更不施

行紀事本末卷二十一

戊辰劉奉世落端明殿學士知徐州

紀事本末卷一百二十一注案據此注

云崇元五月四日又卷百三十一注云奉世落職五月十一日兩注岐異今補於王覲後錢氏

庚午臣僚上言伏見先朝貶斥司馬光等異意害政大

臣論列布告中外天下共知方陛下卽位之初未及專

攬萬機之際當國之臣不能公心平意檢會事狀詳具

進呈以次牽復今日再招人言遂至煩紊臣愚伏望陛

下明諭執政大臣使公共參議詳酌事體原輕重之情

定大小之罪上稟聖裁特賜行遣如顯有欺君負國之

實迹自宜放棄不足收卹其間亦有干連牽掛偏執愚

見情非姦誣者乞依近年普博之恩使有自新之路則

天下之氣平而紛紛之論息矣

原注據鄒餘奏議其文頗有與詔旨不同者當

考然上言者必

鄒餘也更詳之又言蘇轍坐窮兵黷武之謗如此之類

有實迹者宜行放棄又言曾經責降人見今任監司藩

部者必不肯公心奉行法度亦乞朝廷契勘改授閑慢

差遣又言竊見元符之末簾帷同聽政之日元祐大臣

乘間用事盡復紹聖間負罪責降之人或盡復舊官或

超授職任不問其得罪之因惟務合黨扶同異論賴陛

下察見弊端力持正道保全神考法度紹復祖宗基業

萬世之治自此而定然前後得罪之人所授官職過當

與援引之姦不治未厭公論云云伏望聖慈令所屬取

上件合該行遣之人或削奪官職或施行懲戒各以類

舉必當其罪卽號令簡重刑罰肅清

紀事本末卷百二十一

案宋編年通